



Havakviat Ilinniaqtuliyikkut Iniqtauvalliyunut Naunaitkutat Uqauhiqnik Ilihainiqmik Maliktaghanik Ilihaitjutighallu

Tattiarnarvik 2022



Ilanga A – Iniqtauvalliyut Hanavalliyunik Nutaanik Uqauhiqnik Ilihaitjutighanut Maliktaghanik

Ikkuagtuiyut havaktunik Uqauhiqnik Ilihaitjutighanut Maliktaghanik

Taamna Atuqtaukaffuktuq Uqauhiit Ilihainiqmut Maligaq hanayauhimayuq Havakviit Ilinniaqtuliyiyikkut inittiaqhimayumik ihivriuqhiyaamik Uqauhiit Ilihainiqmut Maliktaghanik. Atauhiunngittumik uqauhikkut ilihaiq ilihaiyullu Inuit uqauhiinik annirnaqtuq pitquhiuyuq ilihaqtuliyiyit havauhiinit. Talvuuna, ihumaliuriamik uqauhirnut ilaayunik ilihainiqmik nunallaarmiunit ilaupkaihimayughat.

Havakviat Ilinniaqtuliyiyikkut tuhaqhimayut Maligaliuqtinit Maligaliuqvingnit taimaa katimatjutiginngitkaluaqlugu Piquyaq 25, taamnalun nutaaq Ilihaqtuliyiyit Maligait. Havakviat Ilinniaqtuliyiyikkut tuhaqhimayut ikayuqtiptingnit, taimaa katimatjutigiyaamik nunallaarmiut ilaayullu aghuurnaqtuq katimatjutigiyaghavullu iniqhittiaqlutik.

Hapkua ihumagiplugit, ihumagiplugu aghuurnaqniit atuqtittivalliyaamik ihuaqtunik atauhiunngittumik uqauhirnik ilihaiyaamik ilihaqviptingnit ahiittullu havaktighaqhiurniqmut akirautait qanuq Uqauhikkut Ilihainiq havauhiit atuqtitauvalliyavaktut tamangnit ilihaqvingnit nunallaarnilu, Havakviat Ilinniaqtuliyiyikkut ihumayut taimaa havauhiit hanayughanik nutaanik Uqauhiit Ilihainiqmut Maliktaghat ihumagilluaqtughat ilaupkainiq havaqatighanik pinarirahuaqlutik amigaiqpaalliqlugillu, katimatjutigitinnagulu.



Qanuringaniit Havaaghat

Angiqtauhimagami taamna Atuqtaukaffuktuq Uqauhiit Ilihainiqmut Maligaq Imaruqtirvia 2022-mi, Havakviat Ilinniaqtuliyikkut parnaiyailiqtut ilaayunik ilaupkainiqmut katimavighaanik hanaqatigiyumaplugit qauhittiarnaqtunik katimatjutighanut parnaiyautinik hanayughanik nutaanik Uqauhiit Ilihainiqmut Maliktaghanik.

Ikayuqhugit hapkua havaaghat, havakviit kaantulaaktittihimayut unniqtuiyiniq DPRA Inckut, unniqtuiyilu/uqaqti Pitseolak Pfeifer. Katitirumayut ilihaqtuliyiyiniq havaqatigiingnik; Katimayit Nunavunmi DEA-nik, Nunavut Tunngavikkut Timingat, taapkualu Havakviit Ilinniaqtuliyikkut taapkualu Havakviat Pitquhiliqijikkut havaktiit malrungskuplunik ilaupkainiqmut katimayaamik.

Inirumayaita ilaupkainiqmut katimaplutik, katimavighaat Tattiarnarvik 12-13-lu, 2022-mi imailiugiangat:

- Ikayuqlugit katimaqatigiiktumik havaqatigiiktut taapkua Havakviit ikayuqtiitalu ilaayut havauhiinut katimapkainiqmik ihumagiylugu ihuaqhautit taapkununga Uqauhiit Ilihainiqmut Maliktaghat.
- Havaqataita tuhaqtittiqulugit uqauhiinik, piyumalluaqtainik ihumaaluutainiklu ilaayunik katimaviinut talvuuna ihuaqhaqtauhimayunut Uqauhiit Ilihainiqmut Maliktaghat.
- Ilittuqhitiqulugit havaqataita hanayunik parnaiyaqhimayunik havauhighanik aulapkaiyaamik katimavighainik ilaayut ihuaqhautinut taapkununga Uqauhiit Ilihainiqmut Maliktaghat.

Ihumagiyaniaqtaat katimadjutiginiaqtainik imailiurniaqtun:

- Hanayut qauhittiarnaqtumik ilitturinnaqtumiklu ikayuqtigiingnit-hanayauhimayumik katimavighanut parnaiyautinik hivumuuqpalliayaamik hanayunik nutaanik Uqauhiit Ilihainiqmut Maliktaghanik
- Angirutinik ikayuqtiinik timiqutinit havaqatigiiktumik ikayuriamik katimavighait ilaayut ihivriuqhiyunik taapkununga Uqauhiit Ilihainiqmut Maliktaghat.
- Katitiqlutik naunaitkutanik ihariagiyaniq iliuraqtughat iniqtauyughanut Uqauhiit Ilihainiqmut Maliktaghanit katimavighainut parnaiyautinut. Taapkualluak:
 - Ilitagijaangat havaqatigiiktun tigumidjutiaqtununu taima havaqatigiiktukhauhiqtun ilituqhainikkut.
 - Ilittuqhaqlugit angiqatigiiklutiklu havaaghainik katimavighainit (taapkuatut, taapkualluak kituuyut ilittuqhitiuyut maliktaghanit aghuuqhaqtauniat katimatjutaugumik, taapkuatut Uqauhiit Ilihainiqmut havaaghat).
 - Ilittuqhaqlugit angiqatigiiklutiklu katimavighainut havauhiinik/havauhighanik atuqtauuyughat havakvighainiklu.

Havakviat Ilinniaqtuliyikkut naahurittiaqtut tuhaqtittiyaamik Maligaliuqtit Maligaliuqvingnit iniqhimayainik katimaviinut tuqhirautauyullu kinguani havaaghat iniqhivallipluta taapkununga Uqauhiit Ilihainiqmut Maliktaghat.

Ilanga B – Iniqtauvalliyut Hanayunik Atuqtittivalliyuniklu Ilihaitjutighanik Inuit Uqauhiinik

Ilihaitjutighanik Hanayut Naunaiqhitiit

Havakviat Ilinniaqtuliyiyikkut ilihainiaqhimayut atauhiungittukkut uqauhikkut tamangnut Nunavunmiunut ilihaqtunut ilauyunik. Iltariplugit atuqtauvaktut ayuqhautillu inirumayainut, havakviit parnaiyautiliuqhimayut uqauhiqnut ilihainiqmik atuqtittiyaamik hivituyumi.

Havakviit taapkua atuqtittivalliaplugu parnaiyautit, ilihaihimmaarahuaqtugut Inuit uqauhiigut ilihaqvingnit atuqhugit tajja ilihaitjutait, pivighait, ilihaitjutighanikllu makpiraanik.

Nunavunmi atauhinngittukkut uqauhikkut ilihainiqmut havauhiit ilihaitjutighanik ihariattiyut atauttikkuuqtunik taapkununga, tunngaviqaqtumiklu Inuit uqauhiinik, Inuit pitquhiiniklu. Tajja, Nunavunmi ilihagtuliyiyit havauhiit qaffinik akirautiqaqtut, taapkuninngalu ikittunik ilihaghimattiaqtunik Inuktut uqauhilingnik ilihaiyiniq. Taapkua Kavamatkut Nunavunmi havaghimmaaqpaktut amigaiqpallianahuaqhugit, hanayullu ilitquhirnut ihuaqtunik ilihaitjutinik, ikayuqtauplutik ihuaqtunik qauyihautinik pivighaniklu, ihuaqhaitjutauniaqtuq tajja ilihaitjutainut Inuktut, ikayuutaulaaqtuqlu havaktighaqhiurniqmut pihimanahuaqniqmullu atauhiunngittumik uqauhilingnik ilihagtinik.



Nunavunmi Ilihaitjutighat

Nunavunmi ilihaitjutighat parnaiyaqtauvaktut taimaa aviktuqhimaplugit ihumagiplugit maliktaghat talvani Inuit Qauhimayatuqangit:

Uqausiliriniq Qilirutaat

Taamna Uqausiliriniq Qilirutaat iliuraqtauhimayug ilihaitjutilluanut ihumagilluaqhugit ilagiingniit tuhaqtittiniqmik uqauhiqniklu tutqighaivalliani, hanatuyumik hanauyaqtitullu ilittuqhitit, itqaumaniqmik ihuaqtukkullu ihumaplutik. Ilihaiyaamik ilaupkaivaktut ilihaiyiniq, Iniqniriniq, nunallaarmiunik hanauyaqtinik, uqauhiliqiyiniq, ilaupkaiplugillu hapkua ilihaitjutit:

- **ILA** – Inuktut Uqauhiqnik Ilihaitjutit
 - **ILAI:** Inuktut Uqauhiqnik Ilihaitjutit, Uqauhilraat – Ilihaitjutighat ilihaqtunut uqqariktunik Inuktut
 - **ILI:** Inuktut Uqauhiinnaigut Ilihaiyut – Uqauhirnik atuqtittivallianiqmut ilihaitjutit ilihaqtunut ayuiqhatqiktughanik hakugighaqlugu Inuktut ayuitait
 - **IL2:** Inuktut Aippaanik Uqauhiit – Ilihaitjutighat ilihaqtunut ayuiqhaiyut Inuktut talvuuna Inuinnaunngittut uqauhiqnik Malrukkut Havauhiinit (taapkuatut, Iqalungni Kangiqliniqmilu)
- **ELA** – Qaplunaat Uqauhiqnik Ilihaitjutighat
 - **ELAI:** Qaplunaatut Uqauhiqnik Ilihaitjutit, Uqauhilraat – Ilihaitjutighat ilihaqtunut uqqariktunik Qaplunaatut
 - **EL2:** Qaplunaatut Aippaanik Uqauhiit – Ilihaitjutighat ilihaqtunut ayuiqhayunik Qaplunaatut aippaatut uqauhiqtut (taapkuatut talvani Qulliqmi, uqauhiinnakkut ilihaiyut, taapkualuuniit Inuit uqauhiinnaigut talvuuna Malrukkut Havauhikkut)
- Hanauyattiarniqmik Ilihaitjutighat

Nunavusiutit Qilirutaat

Taamna Nunavusiutit Qilirutaat iliuraqtauhimayug ilihaitjutilluaq ihumagilluaqhugu pitquhiit, ilitquhiit, ingilraaqnit, nuna, avatinik qauyihaiyut, inuliqiyit, manighiurniq, tajja hulyayuyut, nunaquumilu hulyayuyut. Ilihaqtut ayuiqhaniaqtut Nunavunmik amiriyaghallu atatarutiit nunaquumut ukiuqtaqtuanik nunaquumilu ihumaaluutunik. Ilihaiyaamik ilaupkaivaktut ilihaiyiniq, Iniqniriniq, nunallaarmiunik ayuittunik, ilaupkaiplugillu hapkua ilihaitjutit:

- Inuuhiliqiniqmik Ilihaitjutit

Aulajaaqtut Qilirutaat

Taamna Alajaaqtut Qilirutaat iliuraqtauhimayug ilihaitjutighaq ihumagilluaqhugu inuuhiqattiarniq, amirinnaiq, innum inighaatalu inuuhiqnit. Timitigut, inuuqatigiingniq, ikpiguhuutitut, ilitquhituqhutiklu inuuhiqattiarniq; inirumayainik ihumaliuqtut; ikayuqtiuniqmik; amirinnaiqmik; annaghimaniqlu ilihaitjutiniittullu. Ilihainiq ilaupkaivaktut ilihaiyiniq, Iniqniriniq, nunallaarmiuniklu ayuittunik, ilaupkaiplugillu hapkua ilihaitjutit:

- Aanniaqtailiniqmik Timitigullu Ilihainiq Ilihaitjutit

Iqqaqqaukkaringniq Qilirutaat

Taamna Iqqaqqaukkaringniq Qilirutaat iliuraqtauhimayug ilihaitjutilluaq ihumagilluaqhugu pitquhiit ilittuqhituyut ihuaqhautighallu nunaptingnik. Ihumagiyaghat kitittiniqmik, qauyhainiqmik ihumaqhuliurniqmik, ihuaqhaitjutighaqhiurniqmik, hanatuniqmik, alruyaqtuqniqmik, hanauyarniqmiklu ihiviuhivangniat. Ilihaiyaamik ilaupkaivaktut ilihaiyiniq, Iniqniriniq, nunallaarmiunik ayuittunik, ilaupkaiplugillu hapkua ilihaitjutit:

- Kitittiniq
- Ayuqnaqtunik Ilihaiyut
- Havaatigut Qaujimanikhanut Ilihaqtut
- Hanauyarniq

Ilihaitjutighaliuqtut Iniqtauvalliyut Uplumimut

Ilihaitjutighaliuqtut atuqtittivalliyullu havakluarnaqtuq taimaa ayuqnatqiyauyuq titirainnaqniqmik ilihaitjutinik. Qauyihaitjutighaliuqtughat qauhitighaniklu atauttikkuuqtunik ilihaitjutighanut niriugiyauyut, hanaplutik makpiraaliuqhutiklu pivighanik ilihaitjutighaniklu tamangnik uqauhikkut, hanaplutiklu ilihaiyt maliktaghanik ikkuaqtuivaghunilu, ilaupkaivaghutik hanayunik ilihaiyuniklu ikayurahuariamik ilihaiyt atuqtittivalliaplugu nutaat ilihaitjutit. Tamangnik havauhiit qulaani iniqtauyughat atauttikkuuqtittilugit, maliguaqtumik ingilraviqarluni. Ihumagiplugit havaaghalluat atuqtittivalliyaaamik nutaanik hanayauhimaqut-Nunavunmi, ilitquhinut uqauhirnullu ihuaqtunik ilihaitjutighanik, taamna 20-nik ukiunik atuqtittivalliyaghaat parnaiyaqhimayug Havakviit Ilinniaqtuliyikkut havakluarnaqtuq.

Atuqhimaplutik qaffiit ukiut, ayuqhautiqaqhutiklu Qalagjuarniq-19-mik, ikittuuplutiklu havaktiit, ilihaitjutighaliuqpaqtut huli ikittuuplutiklu kinguvautit iniqniaqhimaviinut. Havakviat Ilinniaqtuliyikkut havaghimmaarahuaqtut iniqniaqhimallugu, ihumagiinnaqhugu, manighikkullu ikayuqlugit hanayaamik hanayauhimaqut-Nunavunmi ilihaitjutighanik tamangnik ilihaitjutighanik.

Ataani havakvighaat ilihaitjutighaliuqtut havaaghait ukiut hitamat atuqtughanik, taapkualu havaanguyut havaariyauliqtut hanaplutik nutaanik Ilihaqtuliyiyit Maligainik.

2018-2020

- Aulapkainiqmut katimavighait Iniqnirillu ilihaiyillu Arviani, Iqalungni, Pangniqtuumi, Kangiqliniqmilu
- Ataniqtuqtauyumik ihivriughilutik Ilihalihaaqtunit-Puqtuniinut 6-mut ilihaitjutighanik Kanatami tamaat
- Havaktitauplutik katimapkaiyut taapkununga Uqausiliriniq (Uqauhirnik Ilihaiyut Hanayarniqmiklu Ilihaitjutighat), Aulajaaqtut (Timitigut Ilihaiyut, Aanniaqtailiniqmik, Inuuhiqattiarniqmiklu) taamnalun Nunavusiutit (Inuuhiliqiniqmik)

- Hanayughat nutaanik Nunavunmi ilihaitjutighanik havaaghanik qauhitiqaqhutik taapkuninnga Inuit Qauhimayatuqangit Ilihainiqmut Havaaghat
- Hanalutik iniqtauyughanik Inuktut Uqauhiinik Ilihaitjutinik, Uqauhilraanik (ILA1) taamnalun Inuktut Aippaanik Uqauhiit (ILA2) ilihaitjutighanik Ilihalihaaqtunit-Puqtuniinut 6-mut
- Hivulliq qauyhautit Inuktut Uqauhiinik Ilihaiyunik, Uqauhilraanik (ILA1) taamnalun Inuktut Aippaanik Uqauhiit (ILA2) ilihaitjutighat Nunavunmi ilihaitjutighat

2020-2021

- Ilaayunik katimapkaiyut Nunavunmi ilihaiyillu ilihaitjutighaniklu ayuittunik. Hapkua katimaviit qaritauyakkut katimapkaihimayut hivayautikkulluunniit Qalagjuarniq-19-mut.
- Hanayut iniqtauyughanik Inuktut Uqauhiinnaigut Ilihaitjutighat (ILI), Qaplunaatut Uqauhiinik Ilihaitjutinik, Uqauhilraat (ELA1), taamnalun Qaplunaatut Aippaanik Uqauhiit (EL2) ilihaitjutighanik Ilihalihaaqtunit-Puqtuniinut 6-mut
- Hanayut iniqtauyughanik Timitigut Ilihaitjutighat, Aanniaqtailiniqmik, Inuuhiqattiarniqmiklu, Inuuhiliqiniqmik, Kitittiniqmik, Ayuqnaqtunik Ilihaiyut, Hanayarniqmullu ilihaitjutighanik Ilihalihaaqtunit-Puqtuniinut 6. Tamangnik ilihaitjutighat hapkua hanayauliqtut ilihaiyumaplugit Inuktut Qaplunaatullu uqauhiinut qilirutainut.
- Tuklia iniqtauyughaq tamangniklu Inuktut Uqauhiinik Ilihaitjutighat, Uqauhilraat (ILA1) taamnalun Inuktut Aippaanik Uqauhiit (ILA2) ilihaitjutighat Ilihalihaaqtunit-Puqtuniinut 6 iniqtauhimaliqtuq ihivriuqtauhiapluni

2022

- Pingahuat iniqtauyughaq Inuktut Uqauhiinik Ilihaitjutighat, Uqauhilraat (ILA1) taamnaluk Inuktut Aippaanik Uqauhiit (IL2) ilihaitjutighat Ilihalihaaqtunit-Puqtuniinut 6 iniqtauhimaliqut
- Iniqtauyughat hivullit taapkua Inuktut Uqauhiinnaigut Ilihaiyut (ILI), Qaplunaatut Uqauhiinik Ilihaitjutit, Uqauhilraat (ELA1), Qaplunaatut Aippaanik Uqauhiit (EL2), Timitigut Ilihaitjutit, Aanniaqtailiniq, Inuuhiqattiarniqmiklu, Inuuhiqiniqmik, Kitittiniqmik, Ayuqnaqtunik Ilihaitjutit, Hanauyarniqmiklu Ilihaitjutighat Ilihalihaaqtunit-Puqtuniinut 6 iniqtauniaqhimayut Ubluirvia 2022-nguqtinnagu
- Havakviit iluani hilataanilu ihivriughimmaaqut ilihaitjutighanik ilihaiyilu ilihaqtaghaniklu ayuittunik
 - Taapkualu aullaqtirutauyut katimavighait parnaiyaqtauhimayut Arviani talvuuna Inuit Uqauhiinik ilihaitjutighanik puqtuniinut 7-9-mut, Inuuhiqiniqmiklu Aanniaqtailiniqmiklu Inuuhiqattiarniqmiklu 7-9-mut.

Tukliit Atuqtakhat

Hivumut ingilrapluta, havakviit hapkua havaaghainik aghuurnaqtunik havaghimmaarahuat hanayauhimagunik Nunavunmi ilihaitjutighanik. Ataani ilittuqhitiuyut havaaghanut naahuriyaptingnik.

2023 – 2025

- Hanayughat Puqtuniinut 7-9-mut Inuktut Uqauhiinik Ilihaitjutighanik, Uqauhilraanik (ILA1), Inuktut Aippaanik Uqauhiit (IL2), taamnaluk Inuktut Uqauhiinnaigut Ilihaitjutighat (ILI) ilihaitjutighanik
- Hanayughat Puqtuniinut 7-9-mut ilihaitjutighanik ahinik ilihaqtaghanik
- Ilauyunik katimavighaanik ihivriughivighaanik ilihaiyit taapkualu ilihaqtitauyughanik ayuittut

2024 - 2027

- Hanalutik Puqtuniinut 10-12-mut Inuktut Uqauhiinik Ilihaitjutighanik, Uqauhilraanik (ILA1), Inuktut Aippaanik Uqauhiit (IL2), taamnaluk Inuktut Uqauhiinnaigut Ilihaitjutighat (ILI) ilihaitjutighat
- Hanalutik Puqtuniinut 10-12-mut ilihaitjutighanik ahinik ilihaqtaghanik
- Ilauyunik katimavighaanik ihivriughivighaanik ilihaiyit taapkualu ilihaqtitauyughanik ayuittut

